



Universitätsbibliothek Paderborn

Diplomatvm Belgicorvm Libri Dvo

Le Mire, Aubert

Brvxellis, 1627

31. Eihamensis Benedictinorum Abbatia, ad Scaldim, prope Aldenardam
Flandriae opidum, à Balduino Pio seu Insulano, Flandriae Comite, an.
1063. fundatur.

urn:nbn:de:hbz:466:1-10903

N O T A T I O .

Lilerium, *Lilere*, opidum est Artesiq, in quo etiamnum floret
Canonicorum collegium, à Wenemaro conditum.

C A P V T X X X I .

Eihamensis Benedictinorum Abbatia, ad Scaldim, prope Aldenar-
dam Flandriæ opidum, à Balduino Pioseu Insulano, Flan-
driæ Comite, an. 1063. fundatur.

BALDVINVS gratia Dei Flandrensi Princeps Walberto Ab-
bati, & successoribus eius salutem in Domino.

Rerum omnium principium & auctor Deus est, & vñus verè
Princeps & dominator. Is aeterno consilio & altissima prouidentia
ita Rempub. ordinavit suam, vt etiam in celestibus Angelis aliij
presint alijs, & inter terrenos mortales alij principentur, subiecti
sunt alijs.

Nempe invisibilem sui arbitrij deliberationem per visibilia ad-
ministrat officia Principum, qui eius vel placito, vel permisso ordi-
nantur ad potestatem, secundum sacram diuinæ scripturæ doctri-
nam. Ad hoc leges institutæ, iura, vindictæ & auctoritates, qua-
rum rerum aut copia populi feliciter reguntur, aut inopia miserè
peßum dantur.

Cum igitur nostra nihil horum nobis comparauerint merita, or-
dinante tamen diuina gratia, imperij principatum sortiti sumus
Flandriarum, & horum qui in circuitu sunt finium, atque ne secun-
dum nostrę mediocritatis modum auctori vitę nostrę & perfunctio-
nis ingratia reperiamur, tum ceteris Ecclesijs, tum & ei cui Te præ-
fecimus legaliter, sicut Abbates constitueri ius est & mos, consu-
lentes, sedulò prouidemus, vt quod facimus ratum sit & firmum,
de dilecta & fidelis noster Walberte.

Damus igitur tibi tum Abbatiam de EHAM, tum etiam res, quæ
infra dicentur, solemni dono, & hac pariter scriptura inuestimus,
vt post geminam inuestitutam nihil sit, quod infirmare possit, &
chartæ huius auctoritas sit ibi & successoribus tuis & Abbatia-

tua validissimum munimen, & defensio aduersus omnem vel manum vel linguam, in omni nostra terra & ditione, & ubique nunc, & ultra.

Damus porro tibi, & scripto confirmamus Eiham antiquum castellum, sicut nos recepimus de manu HERIMANNI Comitis, & sicut nos hactenus quiete & solide tenemus, & aquam totam cum toto teloneo, & cum sex mansis de terra arabili, sicut sunt siti & positi, vel pariter vel separatim, pertinent tamen ad ipsum alodium: pasturam etiam rotius cliui, id est, deuexi montis; quod ab orientali plaga, post aquidum autumnale, ipsas ecclesias respicit, & extensem porrigitur in Austrum, & casaram, ubi fruteta occurunt ruricolis, ad aedificandas lepes; dimidiad quoque decimam de ecclesia S. Vedasti de inferiori Eiham; ad Draysbekam tria curtilia vestita, & tres mansos de terra arabili, & dimidium; ad Marcam duo curtilia vestita, & octodecim bunarios de terra, & partim prato de eleemosyna Arnulphi; ad Svvalmam unum curtile vestitum & octo bunarios terræ, cum dimidia aqua & dimidio molendino; ad Eppingenhem unum curtile vestitum, & sex bunarios terræ; ad Busmarias quatuor curtilia, & quindecim bunaria inter terram & pratum cum terra Machelmi, quam tenet de eleemosyna uxoris meæ Adelæ: in Flandris quatuor ouilia instaurata pascuis, in loco videlicet qui Paradisus nuncupatur, nunc Prouise dictus, quem claudit Fledum, quod dicunt Holdfledum; in pago Atrebatensi ecclesiam de Asilogijs, cum omni decima, quæ ad ipsam ecclesiam pertinet, excepta ea, quæ altare sequitur; item de eleemosyna coniugis meæ.

Ex auctoritate igitur potestatis nostræ precipimus per omnem terram nostram & ditionem, ne quisquam de his omnibus tibi auctor sancto loco quidquam detrahere presumat, vel sibi ullam tenus mancipare. Et hoc itidem per bannum nostrum interminatus, quod si quisquam contra Deum & bannum nostrum facere presumperit, pro banno, vel mihi, vel heredi meo duodecim marcas auri persoluet, restituens sancto loco, & tibi, vel successori tuo capitale; insuper pro suo commisso decem libris additis.

Actum apud Insulam, in praefentia magnatum nostrorum,

*Abbatum,
Erckenbaldi Atrebatensis,*

Fulconis.

Fulconis Corbeiensis,
Bouonis de S. Bertino;
Nobilium,
Hugonis & Arnulphi de Aldenarda,
Raingodi de Ganda, & Gerardi, &c aliorum, anno ab In-
carnatione Domini nostri millesimo sexagesimotertio, Indictione 1063.
prima, regnante Philippo annis iam duobus.

N O T A T I O .

Eihami prope Aldenardam, ad Scaldim, tria monasteria seu po-
tiūs templa Godefridus cognomento Captiuus, Comes Virdunen-
sis & Eihamensis eiusque filius Herimannus (cuius fit mentio in
diplomate iam producto) fundarunt, ut Baldericus in Chronico
Cameracensi commemorat, tria ista templa, cum castello Eiha-
mensi, quod Balduinus Pius ab Herimanno Comite emerat, Bene-
dictinis monachis idem Balduinus anno 1063. tradidit, condito
ibidem monasterio, cui Walbertum, ex Vedastino cœnobio euo-
catum, Abbatem præfecit. De Herimanno plura vide supra cap. 23.

C A P V T X X X I I .

Liebertus Cameracensis Episcopus immunitatis privilegium &
alia largitur monasterio Eihamensi an. 1064.

IN nomine sanctæ & indiuiduæ Trinitatis, Patris & Filij & Spi-
ritus sancti, LIETBERTVS gratia Dei Cameracensium Episcopus,
præsentibus loco & tempore, & futuris fidelibus, in Christo omnem
salutem in æternum, & ultra.

Hominum genus, quod solum cum Angelis rationis honore præ-
ditum est, id maximè curabit recte, vt Opificis sui laudem & glo-
riam magnificando, supplici deuotione perpetuet, & fraternalis pro-
fit profectibus. Atque hoc satis oportuno facimus modo, si ecclesiæ
& monasteria, aut ipsi ædificamus, aut ædificatis tale administramus
adiutorium, vt non deficiat in eis luis Dei de ore hominum, &
Christianæ religionis sacer cultus, ynde mortales ad beatitudinem
aspirant.

E II